



Arubaanse Courant

Anja 26.

DIAMARS 9 JUNI 1964

No. 5053.

COLOMBIA TA MUSTRA INTERES TURISTICO GRANDI PA ARUBA

Pronto un cuatro mil turista Colombiano pa anja pa Aruba

ORANJESTAD, 9 juni - Den oficina di deputado Alberto Falconi di Aruba ayera atardi tres representante di e organizacion Titulos Vacacionales Ltd. di Colombia, un oficina di biaha Colombiano di Cali, kendenan ta algun dia na Aruba,untu cu señor Eulogio Wever, representante di e linea di aviacion Colombiano Aerocondor, cual tin dos aña y mei ta bula ariba Aruba, duna un splicacion di nan planan pa e desarrollo di intercambio turistico entre Colombia y Aruba, Especialmente for di e representantenan di e oficina Colombiano nos a hanja e informacion cu pronto nan campanja grandi pa progreso turismo pa Aruba lo cuminsa. Nan ta spera di den promer aña logra manda un tres a cuatro mil turista Colombiano pa Aruba.

representantenan di organizacion titulos vacacionales LTD. Di Colombia antayera a yega Aruba cu intencion di investiga en corto posibilidadnan y atraccionan pa Aruba por brinda na e turistanan Colombiano, cualnan a spli- ca nos ta di e clase di obreronan di fabrica etc. Kendenan ya ta habiendo viahenan pa otro paisnan den club y grupo grandi caba. E aballeronan Gamaliel Gaviria Sr. Bernardo Torres y Carlos Lago ta yamanan mes socionan di e compania menciona, cual lo tin como un cuatro cien sales - man na Colombia. Esakinan ta opera especialmente dene ciudadan grandi di e pais.

BLAHA BARATA

motibo pakiko nan a dicidi di bishita Aruba y investiga e mercado ta especialmente pa motibo cu e blaha cu avion, den e caso aki aeroconder ta sumamente barata. Mirando cu e posibilidad i blaha ta barata nan a dicidi di mira na Aruba con e prijsnan di hotelnan ta etc. Cu esaki nan por traha un plan completo pa brinda nan cliente nan na Colombia biahanan di vacacion barata pa Aruba. Manera di esey e posibilidad pa busun cu ta desea esey tey pa despues di por ehemplo pasa un finan di vacacion na Aruba, pa e otro siman na Puerto Rico, como cu aki tambe nan por brinda un vuelo barata cu avion esaki si e deliberacionnan na Hulanda termina favorable, segun señor Torres kende tabata e con- tactnan di e tres representante - nan. El a spli ca nos cu e desision ta efectua e plan cu nan no a tuna unicamente pasobra Aruba ta asina bunita y cu un hospitalidad enorme pero especialmente gracias na e prijsnan barata di blaha

ha door di cual e homber chiki - to esta e obreronan tambe por goza di nan dos siman di vacacion den exterior sin tin nodo di gasta sumanan extra ordinario grandi.

CAMPANJA

Segun señor Torres a sigui lo bai cuminsa cu un campanja extenso na Colombia pa propaganda turismo pa Aruba. Nan oficina cu ta negosha den pashashi etc. lo cuminsa mes ora cu propaganda pa television, radio y courant, Alavez nan lo imprimi y circula un folder especial pa esaki. E folder aki, pa cual ya nan ta colectando foto y informacionnan valioso di Aruba, lo ta un folder combina cu un coupon. E folder ta dunabo tur informacion tocante di Aruba pa bo viahe y estadia, alavez e folder tin un coupon cual bo ta yena y firma pa pidi bo reservacion. E pago ta bai ariba credito.

Ariba nos pregunta di ya tin propaganda ta worde haci na Colombia pa Aruba, nos a worde informa cu e director di television nacional di Aruba, nos a worde informa cu e director di television nacional di Colombia señor Cesar Simons tur siman tin un programa di mei ora especialmente dedica na Aruba. Fuera di esey e ta pasando slides cu durante un vacacion priva poco tempo pasa el a saca na Aruba, como ilustracion den su programa di television. Nan ta spera cu dentro di corto tempo nan lo por manda e promer grupo di turistanan Colombiano no pa Aruba, cual segun señor Torres a bisa lo yuda Aruba y especialmente comercio di Aruba progresa mas ainda.

ENTERCAMBIO

Señor Eulogio, director di La Esperanza y tambe di represen-

tante di e linea Colombiano Aeroconder cu ta bula un biaha pa siman pa Aruba y segun informacion dia promer di juli e compania menciona lo cuminsa bula dos biaha pa siman.

A bisa cu asina resulta cu e interes for di Colombia ta grandi, su compania, esta La Esperanza, y e organizacion titulos vacacionales ltd. tin intencion di construi un hotel di mas o menos cien camber na un di e playanan di Aruba.

Door di esaki e ora un intercambio turistico entre Aruba y Colombia por tuma lugar mas extenso y facilmente. Apesar cu e coneccion cu señor Wever ya tin cu e compania Colombiano ta pa sigui progreso e intercambio e turistico entre Aruba y Colombia. Segun señor Wever a bisa nos e posibilidadnan aki ta enorme y cu por bin un progreso mas grandi ainda den bida comercial y turistico na Aruba si tal intercambionan entre Puerto Rico y Colombia por sigui desaroya manera cu e ta tumando lugar awor, y esaki especialmente door di tarivanan especial di viahe.


Wardando riba minister Kroon

ORANJESTAD, 9 Juni - E cuestion di e conflicto den e mundo di pan na Aruba na e momento aki ta para keto como cu e union di e trahadornan na panaderia ta sperando ariba un contesta di ministro C. Kroon en cuestion

THE FILTER CIGARETTE WITH RICH TOBACCO FLAVOR



For Your Satisfaction



cu un peticion di intermediador di Land, Sr. F. Hartong pa ministro Kroon pone su mes personalmente na altura di e situacion na Aruba. Te ainda parece cu union di trahadornan den panaderia no a hanja ningun contesta y ta sperando ariba benida di señor Kroon pa Aruba. Manera ta conoci e conflicto menciona a resulta originalmente door di un competencia fuerte entre dos panaderia cual accionan a pone nan stempel tambe ariba otro panaderianan door di cual pa por sigui competi ariba mercado di pan, diferente panaderia a kita of tin intencion di kita algun di nan trahadornan.

E portret aki a worde saca na Den Bosch caminda Prins Bernhard a asisti na un recepcion na ocasion di e 100 aniversario di e banco Lentjes en Drossaerts, y caminda el a worde ofrese un buki titula "Placa".

Gentleman's Agreement entre Lago y I.O.W.U.A.

ORANJESTAD, 9 Juni - Manera anuncia caba Lago y IOWA a yega na un acuerdo pa mantene e periodo di "Cooling Off" cual a cuminsa luna pasa y lo a termina dia 11 venidero te cu dia promer di juli venidero. Esaki awe mainta a worde confirma pa parti di servicio informativo di gobierno kende ta yama e conbenio cual a worde sera entre e dos partidanan hunto cu e intermediador di gobierno central señor R. Laan, un "Gentlemens Agreement". Segun anuncia esaki tabata un di e puntonan cu tabata forma parti di e deliberacionan cual señor Laan tabatin cu Lago y IOWUA.

Petra Arends a gana prome premio contest "Bisanos"

ORANJESTAD, - Tambe nos ultimo contest "Bisanos" a bolbe bira un exito enorme. "Bisanos" a duna nos e di tanto prueba, cu e lectoran di Arubaanse Courant no unicamente ta satisfecho cu nan courant, pero cu activamente ta tene nan mes na haltura con e courant ta bai. Esaki ta resulta for di e interes enorme cu continuamente ta existi pa nos concursionan, cu cada biaha ta bolbe trece cientos di carta pa nos oficina. Esey a resulta tambe di e contestanan cualnan nos a hanja for di nos lectoran ariba e pregunta "BISANOS" pakiko bo ta haya Arubaanse Courant asina bon?".

E punto principal di e contestanan di e preguntanan aki tabata, pues segun nos a pidi, menta e calidatnan di Arubaanse Courant cu menos palabra posibel. E mihor contesta cu nos a hanja tabata di srta. Petra Arends di Esso Ville, kende a contesta: "PASOBRA E TA DEMOCRATICO, INSTRUCTIVO Y CONSTRUCTIVO". Cu esaki srta, Arends a gana e promer premio di Fl. 25.--. Cu e minimo palabra e ganadora a menta e calidatnan di mas importante cu e staf di Arubaanse Courant diariamente ta trata di logra.

E diez ganadornan di e premio na placa efectivo ta:

1. Fl. 25.--: Mej. Petra Arends, Esso Ville 3-A, San Nicolas, "PASOBRA E TA DEMOCRATICO, INSTRUCTIVO Y CONSTRUCTIVO".

2. Fl. 10.--: Mej. Aida Croes; Tanki Leendert 41. "PASOBRA E TA UN DIARIO NETTAMENTE ARUBANO CU TA COOPERA Y TRAHA SEMPER NA INTERES DI PUEBLO ARUBANO".

3. Fl. 10.--: Mario Tromp, Tanki Leendert 176-B. "PASOBRA E TA CONTENE NOTICIANAN DI ULTIMO ORA Y TAMBE UN BON PROPAGANDA HACI PA TUR COMERCIANTE Y AGENTENAN DI ARUBA".
4. Fl. 10.--: Henry O. Harms, Oldenbarneveltstraat Oranjestad. "E UNICO CORANT NEUTRAL NETTAMENTE ARUBANO Y DEN NOS MES IDIOMA".

5. Fl. 5.--: Sr. Felix Maduro, Rool Bosal 42, Santa Cruz. "PASOBRA SU NOTICIA TA BON CLA Y COMPRENDIBLE PASOBRA TA NOS MES IDIOMA ESTA PAPIAMENTO Y EN PARTICULAR PA SU BON FOTONAN".
6. Fl. 5.--: Sr. Francisco Strop, P.O. Box 191, San Nicolas. "PASOBRA ARUBAANSE COURANT TA RECONOCE ECHO, ENFRENTA ECHONAN Y PUBLICA NAN LIBERAMENTE TOCH NO TA ABUSA DISU LIBERTAD".

7. Fl. 5.--: Silma Oduber, Pos Chiquito 114. "PASOBRA PA NOS E TA ESOEN DI PROME Y LO KEDA PA NOS ESOEN DI MIHO".
8. Fl. 5.--: Marcel Jacobs, Colombiastraat 6, Socotoro. "PASOBRA ARUBAANSE COURANT TA UN COURANT ACTIVO Y JAMAS TIN UN P A IGUAL".

9. Fl. 5.--: Abelina Lampe, Piedra Plat 16. "PASOBRA ARUBAANSE COURANT TA PA PUEBLO Y PA PUEBLO".
10. Fl. 5.--: Saturnia Danje-Croeze, Kas Ariba 13-A. "MI TA HAYA ARUBAANSE COURANT ASINA BON PASOBRA E TA SCIRBI UN BON PAPIAMENTO Y NA DI DOS LUGAR PASOBRA E NO TA COBARDA PA HACI SU CRITICANAN HUSTO CONTRA CRITICANAN CU MESTER WORDE CRITICA". Fuera di e diez ganadornan aki, pa motibo di e enorme interes pa e contest "Bisanos", nos a dicidi di duna un diez premio extra di Fl. 2.50 na algun par-

ticipantenan. E diez ganadornan, kendenan pues a gana Fl. 2,50 cu nan contesta ta:

11. Sra. A. Kock, Victor Hugostraat 7, Oranjestad. "Pasobra Arubaanse Courant ta e diario cu ta mas conosi pa Aruba y ta publica noticianan mas importante, mas serio y na papiamento".
12. Mercedes Croeze, Jan Fleming 2-D.. "Pasobra e ta promer den noticianan internacional y local y ta mas lesa den tur skina di Aruba pa grandi y chikito".
13. Fam. Yacopucci, Faradaystraat 5, Oranjestad. "Na cas chikito y grandi ta sinti nan curazon feliz y contento ora nan ta lesa Arubaanse Courant".
14. Petra Nicolas, Seroe Preto 9, San Nicolas. "Mi ta hanja Arubaanse Courant e mihor cu ta trece alegria den cas di henter familia".
15. Maria Roza, Montana 21, Noord. "Tur familia di cas, Arubaanse Courant nan ta gusta mas".
16. John G. Pandelles, De Ruyterstraat 3, San Nicolas. "Arubaanse Courant ta asina bon, pasobra e ta NOS courant".
17. Sra. A. Boekhoudt, Ponton 40. "Pasobra e ta e courant na papiamento tur Arubiano ta apresie mas riba tur corant".
18. Carmen Maria Yarzagaray, Savaneta 29. "Pasobra e ta un amigo fiel di tur dia. E ta un diario nettamente Arubano".
19. Aura de Cuba, Calabas 2, Noord. "Mi ta hanja Arubaanse Courant asina bon, pasobra e ta un courant desente di tur dia".
20. Hubert Perez, Macuarima 67, Arubaanse Courant ta asina bon pasobra e tin un blachi yen di prencipi cu mi por welta pasobra ainda mi no por lesa".

Esaki pues ta e ganadornan cual a worde eligi door di nos jurado consistiendo di cinco persona. Nos a bisa caba; un enorme cantidad di contestanan a worde ricibi: 761.

Naturalmente cu no tabata tur tabata mes cortico y mes amistoso. Un ehemplo di esaki tabata di un persona di Tanki Filip, kende a firma su carta E.R. Croes, y cu a scirbi: "Pasobra dialuna e ta bin laat, diasabra e no ta bin at all y pa su tantu informacion ariba deporte internacional". Cu tal contesta den bo man, naturalmente bo ta frega bo wowonan un rato.

Pero nos a realiza nos cu senyor Croes mester tabata kier meen un otro diario, pasobra net Arubaanse Courant no ta yena su paginan cu noticia internacional. Pero si nos diario ta esun cu mas noticia deportivo local, gracias na nos redactor Herman Kuiperi. Emocioná nos a keda pa e contesta di srta. C. Larez di Mabon 16. Su contesta cual tabata mucho largo pa por cai den e premionan tabata lo siguiente:

"Mi ta hanja Arubaanse Courant asina bon, pasobra tur dia mi ta hajé te den mi porta di cas, cu mi no tin kana leeuw p a bai buske y tur dia mi ta hanja noticia y e bon novela tambe cu ta sali tur dia, y mi ta alegre nos curazon, y mi ta spera cu poder di Dios cu Arubaanse Courant lo sigui sali tur dia pa nos haja bon noticia".

Otro contestanan cualnan tambe tabata largo, pero cu nos no kier laga di publica tabata e siguiente tres: Bertha Geerman di - Dahilastraat 10, San Nicolas a scirbi: "Pasobra Arubaanse Courant ta e diario asina RAPIDO cu Noticianan Local y Internacional. Historianan inolvidable pa pone corazon di un familia contento. Un diario neutral pa politica, kiko cu bo kier sabi tur dia, den e diario aki bo ta hajé. Prijsnan bonita pa muchanan, no solamente majornan ta gustele pero henter familia. Noticianan asina RAPIDO di nos dushi Reina Juliana, Prinsesnan y Casa Real. Distancia no ta existi pa e diario tur RAPIDO aki.

Figurabo nos dushi familia Real ta bai un fiesta anochi, ja mainta henter Aruba sabi conturcos a bai cu nan.

Arubaanse Courant ta pone curazon di nos Arubianonan y tur familia contento, y ami ta hajé e mehor Diario di Aruba.

For di Turibana no. 31 nos a ricibi e siguiente carta di sra. Francisca Tromp: "Como un diario di tur dia mi ta hanja Arubaanse Courant ta bon y bon mes: Na di promer lugar Arubaanse Courant ta ofreciendo su mes te den porta di bo cas; den e courant aki bo ta haja tur noticia; si loque ta pasa awe ya majan bo ta haja via Arubaanse Courant; tambe subunita novelanan interesante. Cu Arubaanse Courant bo tapasa poco alegre; Tambe e ta e unico Courant cu ta brinda bo su cajonasa concursionan di placa; cu bo por gana facilmente sin ningun molester; grandi y te na chikito ta participa den su concursionan. Ami hopi tempo caba mi ta abonado di e Courant aki e ta como un confianza pa mi ta pesel mi ta haja Arubaanse Courant asina bon mes; Como esun di confianza; Pues sr. Redactor mi ta spera cu mi simple letternan lo tin acogida".

Un fiel abonado L. de Kort di Kamay no. 15 a scirbi un carta cual tambe nos kier publica akinan: "Como un fiel abonado lo mi duna mi opinion pakiko mi ta gusta mi Arubaanse Courant. Pa mi Arubaanse Courant ta mescos cu un amigo cu ta bin bishita mi tur dia. E ta bin contami tur loque ta pasa den mundo, e ta franco, pasobra e ta elogia tur loque ta bon pero tambe desapropa loque ta menos bon of no bon, y alavez ta duna un conseho con algo lo por tabata mehor. Un corant neutral asina casi no tin na Antillas. Despues e ta sigi conta su storia cu ta masha bunita, y cisco kidnan etc. Tambe su concu-

sonan ta masha gusta. Asina mi por sigi menciona un pa un, pero como mi carta mester ta asina cortico posibel lo mi termina cu hopi saludos, bisando: Cu mi fiel amigo Arubaanse Courant tur dia, mi ta sintimi cada dia mas feliz".

Stewardnan pa Union di constructores

ORANJESTAD, 9 Juni - Manera nos a anuncia ayera caba un union nobo di trahadornan cerca contratistanan na Aruba a worde estableci. E union aki a escohe como nan promer presidente senyor L. Frans Lodewijk Maduro. E reunion di formacion a worde teni for di algo promer cu 11'or te poco despues di 12'or den Club Bonaireano dia Domingo mainta. Diferente representantenan di union di trahadornan na Aruba a dirigi palabra, especialmente for di directiva di Independent Oil Workers Union of Aruba. A papia di esakinan Frans Lodewijk Maduro, Leoncio Albus, Pedro, Brook, y Juan Yarzagaray. Di e union di panaderonan a papia Juan Yarzagaray, alavez representante di CLASC pa Caribe senyor Eddy Maduro y tambe Freddy Doran, diadomingo mainta a worde eligi como tesorero di union di constructornan. E siman aki ainda directiva di e union hunto ta spera di bai eligi e stewardnan di e union. Cada steward lo representa un compania di contratista. Esta e trahadornan na e compania ey, cu ta miembro di e union.

Jubileo di plata na Telefoondienst

ORANJESTAD, 9 Juni - E luna aki lo tin na servicio telefonico dos empleado kendenan lo cumpli binti cinco anja den servicio. Esakinan ta senyor Gilbert o Rasmijn cu ta cumpli un cuarto di siglo cerca Telefoondienst dia 18 y senyor Gregorio Loefstop cu ta cumpli esaki di a 20. E celebracion di e jubileo di plata lo tuma lugar dia 19, tur dos hunto pa tres'or y mei atardi na Telefoondienst.

McNamara condecora pa Little League

ORANJESTAD, 9 Juni. - Diarazon anochi venedero pa seis or y mei Little League lo duna expresion na un manera especial di nan satisfaccion pa e yudanza cu nan a hanja for di e firma Canadiense MCCNamara. Esaki tabata un di e ultimo bon echanan di McNamara na Aruba. Pues pa e hobenitonan di Little League cu ultimoamente a hanja e tereno di familia De Veer den Awakatistraat na Dakota na nan desposicion pa practica e deporte di baseball ariba, McNamara cu condicionan favorable y cu material grandi a limpia y egalisa e tereno. Como cu segun informacion e personal di McNamara lo laga ariba dia 15 di e luna ki for di Aruba en coneccion cu nan terminacion di trabaonan akinan, e directiva di Little League a dicidi pa promer cu esey pone un fiesta chikito pa personal pa duna un muestrea di nan graditud na e yudanza cu nan a hanja.

Tambe pa

DIA DI TATA
cas mester ta alegre.



naturalmente cu un bouquet di flor di

JARDIN CARIBE

(Ica Croes)

Koningstraat tel. 2660.

TE HUUR AANGEBODEN

van 1 juli t/m 30 sept. gemeubileerde woning met 3 slaapkamers (1 met Airco) te Venezuelastraat. - **Huurprijs nader overeen te komen.** Inlichtingen: ged. kantooruren Telefoon No. 1180.

TA BENDE

pa motibo di viahe

Un auto "Borgward" 1961, segunda mano. Un bicicleta pa mucha homber.

Pa inf: Acudi na: Argentinie-straat 8, O^o stad tel. 3294.



Materialnan di construccion di calidad y na prijs atractiva esey ta solamente na

PETRONA & CROES

NOBO NOBO NOBO
NASSAUSTRAAT 34

Nos a ricibi nobo Dacron, den precioso color y disenjos, y cu no ta machika. Brocaat y Cottons Avrii nobo. Y corda nos prijsnan ta semper mas abou. Bin mira nos bunita telanan pa cortina.

George Ball a jega Londen

LONDEN, 9 juni - E segundo minister Mericano di exterior, George Ball a yega Londen awe, na su yegada el a bisa cu e lo atende un serie di asunto, manera situacion na Suroost Asia, Malesia y na Chipre y tambe tocante e conferencia mundial na Ginebra.

Ball a bisa cu e no tabata na Paris pa delibera tocante un cierto problema.

Mi tabatin un conversacion normal y masha util cu president De Gaulle.

Mayan Bali lo combersa cu e minister Ingles di comercio e industria, Edward Heath, y cu e minister di exterior, Butler y otro funcionarianan Ingles.



Your Horizons are Endless with Pan Am



Direct Monday flights make immediate connections in Puerto Rico for nonstop Pan Am Jet Clippers to NEW YORK, or arrive there after one-stop Jet flights departing Sunday mornings at 8:45, Thursdays at 12:15 P.M. And from NEW YORK, connecting carriers take you anywhere in the U.S.A. or CANADA. Or fly Pan American from San Juan to BOSTON, PHILADELPHIA, WASHINGTON/BALTIMORE or MIAMI. Monday departures take you to CALIFORNIA, the ORIENT, MEXICO and all CENTRAL AMERICA via PANAMA.

This summer fly one of the 222 transatlantic Pan Am Jets each week linking the U.S.A. with 26 European cities. Or immediate connections with Jets in San Juan take you nonstop to EUROPE every Monday.

Or fly anywhere in SOUTH AMERICA. Connect in PANAMA with El Interamericano flights to ECUADOR, PERU, CHILE and ARGENTINA. Other Pan Am flights via Curaçao book you on to CARACAS, TRINIDAD, BRITISH GUIANA, SURINAM and BRAZIL. Call Pan Am or your Pan Am Travel Agent today!

Wherever in the world you travel, you're better off with Pan Am—world's most experienced airline

S.E.L. Maduro & Sons, Inc., General Agents • Aruba: Nassaustraat—Tel. 1735 - 1736

AUA-764-HZN

Premier Inonu ta bai Washington

ANKARA, 9 Juni - E premier Turco, Ismet Inonu, a bisa na

Ankara cu e no a rechaza e invitacion di president Johnson pa bai Washington pa nan atende e auntu Chipre eyan. Deliberacionnan asina lo por trece resultadonan util, asina el a bisa. E minister Turco, di exterior,

Erkin, a bisa cu funcionarionan Mericano y Turco ta deliberando pa prepara e deliberacionnan.

Inonu no kler a contesta preguntanan relaciona cu Chipre. Si nos keda boca sera un paar di

dia e caso Chipre lo bira mas cla automaticamente.

Erkin a bisa periodistanan cu Merca y Turqui huntu ta buscando e medionan pa evita cu pre-

sident Makarios por viola constitucion di Chipre. Union Sovietica sigur sigur no ta bende armanan cu Chipre pero Checoslovaquia e Egypto si ta haci esey. Turquia ta trata na evita cu armanan ta worde hiba Chipre.

CU UN
PERCOLATOR
ELECTRICO.....



KOFFIE SABROSO
DEN UN INSTANTE!



Dama a blausa caballero

ORANJESTAD, 9 Juni - Algo cu nos por bisa ta sosode tur dia a tuma lugar dia Domingo ultimo banda di diez'or di mainta na Sabana Blanco. Banda di e ora menciona asistencia di polis a worde pidi pa un bringamento na Sabana Blanco. Aya a resulta cu e caballero R.M. a ofende e dama M.K. E dama no aceptando tal accion di e caballero a dal esaki un moketa bon coloca

we put **FATHER** in the limelight!



SI... HACI PAPA CONTENTO Ariba "SU DIA"

CU UN BUNITA REGALO FOR DI NOS EXTENSO SURTIDO
POR EHEMPLO:

- * SPORTSHIRT
- * DRESS SHIRT
- * DASHI

- * MANCORNIA NA SET
- * MEA, PAJAMA, FAHA, ETC.
- * Y NATURALMENTE BUNITA FLUS.

WHITEFIELDS

CALIDAD.....Y.....EXPERIENCIA



y a duna e caballero un wowo blausa. Un sia cu e caballero lo no lubida liher. Polis a hanja cu ta mihor pa intermedia pa no tin mas wowo cu lo keda tapa. oranjestad - E servicio di pelicula di territorio insular di Aruba e luna aki lo presenta dia 12 na Noord, dia 17 na Wesley Auditorium San Nicolas, y dia 25 y 26 na Oranjestad, siete pelicula entre otro "Jalgaon" un pelicula tocante di bida den un pueblo na India. Tambe "Wereldluchthaven Schiphol" y "Zoo", un documentario di Bert Haanstra tocante di e bida di hende y bestia den un Zoo. E luna aki lo tin no menos cu

cuatro pelicula nobo den e programanan.

Argentina a sali campeon na Brazil

RIO DE JANEIRO, 9 Juni - Argentina a gana e torneo di cuaterpals na Rio de Janeiro sin ningun gol contra. Den e ultimo encuentro di e Argentinonan nan a derota Inglaterra 1-0. E unico gol a worde anota den di 74 minuut pa Rojas. Argentina a hunga un wega extremadamente defensivo y a li-

mita su mes na algun pasada oportuno door di defensa di Inglaterra. Na di diesséis minuut prome cu wega a caba esey a resulta exitoso pa e Argentinonan ora cu Chaldon y Rojas a pasa door di e defensa Ingles sin ningun dificultad. Chaldon a laga e portero di e Inglesnan, Gordon Banks, sali for di gol y a pasa e bala e ora ey pa Rojas kende a colque den e huli mas pafor. Clausura di e torneo lo ta un partido entre Brasil y Portugal.

Nikolajev ta malu

BELGRADO, 9 Juni. - E astronauta Ruso Nikolajev ta malu y a sus-

pende su bishita pa Jugoslavia, unda e mester a yega mayan, pa tempu illimita. E agencia di prensa na Jugoslavia "Tanjoeg" cu a anuncia esaki no a bisa nada mas tocante e caracter di enfermedad di e astronauta.

Sueldo minimo na Argentina

BUENOS AIRES, 9 Juni. - Senado Argentino ayera a aproba un proyecto di ley cu ta duna presidente Arturo Illia autorisacion pa stipula un sueldo minimo. Esaki ta pa un famia aconistiendo di dos hende grandi y dos mucha 190 florin.



E oficina di Public Relations di Aruba y Corsow na Merca, respectivamente Hank Meijer Associates y Howard Chase Inc, den e pais ey un ta purba surpasa otro den nan actividadnan propagandista. Mientras cu ultimamente nos por a lesa den e diario Curazalenjo "Beurs en Nieuwsberichten" con Howard Chase a laga circula un portret di un dama cu un enorme balahu na e redaccion di e diarionan Mericano, cerca cual a worde bisa, cu e piscanan aki cu gusto ta laga turista piscanan den awanan di Corsow., nos representante Jack Waugh na oficina di Hank Meijer na New York a score

un "double goal" door di bende Aruba na un manera original. E no tabatin mester di un balahu.

Un folder (biewu) di Aruba tabata bastante pa e bunita plaachi aki den e edicion di Mei di e periodico "Mademoiselle" pa e teenernan. Originalmente e plaachi ta un propaganda pa un "snap-in mini-panties which can't pull or tug the way set in panties do", un invento nobo di e fabricanan Mericano Gossard, pero en todo caso nos tin di reconece tambe cu e ta un enorme propaganda pa Aruba. Awor e contesta di Howard Chase ta worde spera.....



**Hallo
Hallo!**

SI TA'SINA MES

**4000
florin**

**Ta worde regala
den e concurso
sensacional aki di**



REY DE COPAS!



Simplemente duna un nomber bunita

na e 4 papchinan den Show-window di

oficina di Rey de Copas y gana placa

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percure pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuanto formulario cu e ta desca, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

REY DE COPAS

ARUBA DISTILLING CO.

Wilhelminastr. 47

Tel. 1266

Turconan na Chipre no ta hanja escolta mas

NICOSIA, 9 Juni - E ehército di Nacionnan Uni cu fecha mayan lo no entrega escoltanan militar mas pa convooinan Chipriota Turco, cu excepcion di casonan extraordinario, asina e portavoz di Nacionnan Uni a participa.

E servicio di informacion Turco-Chipriota a bisa cu e intento aki di Nacionnan Uni ta decision unilateral repentino, y el a bisa cu e hecho aki di Nacionnan Uni a causa un reaccion amarga den e comunidad Turco.

E portavoz di Nacionnan Uni a bisa cu e ehército di Nacionnan Uni en vez di e escoltanan lo hact mas patruya y lo coloca mas observador na puntonn principal, especialmente ora cu ta spera un convooi. No tabtin suficiente militar di Nacionnan Uni pa ehecuta ambos tarea. Di parti Turco a worde declara cu e envionan di Cruz Roja Turc y e transport di produccion agricultural door di e decisionnan ey ta worde perhudica. loque ta nifica "horcamiento" di e ciudadanonan Turco. E ehército di Nacionnan Uni a

baha cabez pa e presion Griego riba nan exigencia pa stop e escoltanan. Asina e declaracion ta bisa. E lidernan Turco Chipriota lo protesta energicamente serca autoridadhan di Nacionnan Uni contra e desicion.



Arubaanse Dans-en Balletschool a duna presentacion fantastico

ORANJESTAD, 9 Juni - Bao di auspicio di Centro Cultural Aruba y Sticusa a tuma lugar Diasabra y Diadomingo ultimo den Centro Cultural na Oranjestad, e presentacion annual di alumnonan di Arubaanse Dans en Ballet School, bao di gia di Pola Jorissen. Tur dos biaha e sala tabata yen di punta te punta. Diadomingo hasta algun mester a bolbe cas como cu carchinan a caba.

E presentacion aki tin di worde mira como e trabao di un anja, na cual tin di tuma cuenta, cu cada grupo di edad tin su mes posibilidadnan. Tabata fantastico pa mira cu cada grupo di alumno tabata muestra loke nan por, y no tabata muestra net loke nan no tabata por.. un error cu hopi biaha por worde constata na presentacion di schoolnan di ballet. Cu e experiencia cu nos tin den presentacionan di ballet di alumnonan di tal school, den esaki nos kier a duna Pola Jorissen un compliment. E numero di apertura den esfera di un les publico di e grupo di mas hoben, segun nos tabata bon esochi. Inmediatamente despues di esaki a sigui un bon presentacion di un solo di Ruth

Eman, kende a duna un presentacion sublime di e tecnico di alumnonan den klas, cada un cu su propio baile, cada uno ariba su propio nivel. Un presentacion completo di baile bunita di klasnan di San Nicolas, Paradera, Santa Cruz y Oranjestad Bunita presentacion, graciosamente y cu un souplessa di e.o. Myrna Martha, solo dificil di Arianne de Jager, den Sonjo di un Alumno di Ballet presentacion solistico di Yvonne de Graaf, gruponan cu en completo, manera esun di San Nicolas, cu a baila e fantasia di Chopin y a duna un bunita presentacion di e trabao di pia den tal bailenan. E ultimo presentacion di e klas di e excelente hobencitanan, cu a balla den forma chikito, un ballet

Riba trapi di e avion cu cual The Beatles a jega for di Copenhagen na Schiphol, (d.r. p.d.) George, John, Jimmy y Paula worde ofrese flor y pet-jinan di Volendam door di algun senjoritas bisti den etrahe tradicional di Volendam.

completo. E trajenan tabata simpel pero, efectivo. En general a worde muestra claramente cu Pola Jorissen, den e anja cu a pasa a logra hopi cu e fiel alumnonan di Arubaanse Dans-en Balletschool, masha hopi mes.

Familia Ponson tin servicio largo na Lago



E PORTRET bieuw aki di compania, cual a worde saká den anjanan Cuarenta, ta muestra K.F. Ponson, banda drechi, e tata, y C.F.L. Ponson, kende a retira anja pasá despues di treinta y siete anja di servicio na Lago. Sr. Ponson, e mas bieuw, a laga compania na anja 1948 cu binti-un anja di servicio.

Lago tabatin, tabata un empleado di compania cu binti-un anja di servicio. El a cuminsa traha Dec. 11, 1927 y a laga Compania Sept. 1, 1948.

E servicio di Sr. Ponson y su tres yiu homber ta yega un total di mas cu 125 anja. Sin duda esaki ta un clase di record na Lago.

E portret presenta aki di Sr. Ponson y yiu homber, C.F.L. Ponson, kende ta un figura bon conocí na Lago y den comunidad, a ser saká banda-di anja 1940. (Aruba Esso News)



F. T. Ponson

Shinishi di Nehru plama den Ganges

ALLAHABAD, 9 Juni. - Mas di un millon hende a mira awe con un parti di e defunto premier Jawaharal Nehroe a worde di strooi riba e riu Ganges banda di Allahabad, ciudad natal di e ex premier. For di Fort Alla-habad tabatin un solo tiru di saludo ora cu Nehroe su nietunan Rajiv y Sanjay bordo di un avion Amfibio a strooi e shinishi for di un urna dorna cu flor riba e awa, na un sitio 800 meter for di Oorilla. Mas o menos mil boto a rondona e boto Amfibio, ora cu el a yega Sangam, un sitio santo pa hindunan unda e awa shinishi di Ganges ta bruha cu e awa mas blauw di e riu Joemna y ta uni cu e awa invisible di e riu Mitico Saraswati. For di un helicoptero blaadjinan di roza tabata bini abao riba e boto. Na mesun momento un parti di shinishi di Nehroe a word de di strooi riba otro riu, lago y lamnan di India, den presencia di millones cu tabata na luto.

COMUNISTANAN NA LAOS TA TUMBA DOS AVION DI MERCA

Washington, 9 Juni. - Riba Llanura de los Llantos nan a bolbe tumba un avion Mericano awe, asina e ministerio Mericano di exterior a participa na Washington. Tabata un avion cazador cu reaccion a chorro, cu tabata companya un avion di reconocementu cu no tabata arma. E piloto a logra bandona e avion via di su paracaída. E portavoz a bisa cu e no sa con e avion a worde tumba ni tampoco qui arma a worde usa.

Un portavoz di e embajada Mericano na NVientiane a participa cu e piloto di e avion cu a worde tumba ayera, a worde salba. E piloto di e avion cu a perde diasabra te anda ta perdi. E portavion di e ministerio Mericano di exterior a bisa ayera nochí, cu e vuelonan di reconocementu lo worde continua. E vuelonan ey a cuminsa dia 22 di mei riba peticion di prins Soe-

vanna Phoema, despues cu Pa-thiet Lao a subi Llanura de los Llantos. E Mericanonan a bisah semper, cu e vuelonan ta completamente legal, psobra nan ta worde haci riba peticion di e premier Laoiano. E avionnan Mericano di reconocementu tin nan base riba e porta avion "Kitty Hawk" cu ta ancla na altura di Vietnam. Despues cu e noticia a bira conocí e minister

Mericano di exterior, Rusk, a declara inmediatamente cu su colaboradoranan, y tantu e como minister McNamara di defensa a suspende tur nan citanan.

Profesornan na Sur Africa ta protesta

CIUDAD DEL CABO, 9 Juni. - 431 Profesor y maestronan di e universidad na Ciudad del Cabo Rodhes, Witwaterstrand y na - tal a entrega un peticion serca e minister di husticia, den cual ta worde insisti pa aboli e stipulacion di ley, cu hendenan por worde tene 90 bia yera sin cu tin un acusacion contra nan. E firmamentenan di e peticion ta haya e stipulacion ey contra di e principio legal, cu ningun hende por worde pone presu sin procedura huridico, mientras cu e ta desacredita legislacion Sur Africa.

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna edicion los 20 ct.
 edita pa:
 N.V. ARUBAANSE DRUKKERIJ - en UITGEVERS - en PUBLICITEITS MLJ.

imprimi na:
 N.V. DRUKKERIJ "DE STAD"

Telefoon 1116 Directiva y redaccion, 2116 Anuncio y subscripcion.

Directeur hoofdredacteur: D. Wolff.

POR CUMPRAN ARUBAANSE COURANT NA E SIGUENTE LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad: Botica Aruba Tel. 1080-1081
 San Nicolas: Botica San Lucas Tel. 5119.

CINE

De Veer: 8.30 p.m. "Taras Bulba" 14 j
 RIALTO: 8.00 "Donde Las Dan Las Toman" all
 Principal: 8.00 p.m. "Let's Be Happy" all
 Aurora: 7.30 p.m. "Ursus, de Wreker der Slaven" 18 j
 Savaneta: 8.00 p.m. "West Side Story" 14 j

TELEARUBA

5.30 Cartoons
 6.00 The Buccaneers
 6.30 Gov't Info.
 6.45 Papiamento News cast Live & Filmnews
 7.30 Rough Riders
 7.45 Papiamento Sportnews
 8.15 Local Talent-Live
 8.45 Lock up
 9.00 English Newscast Live & Filmnews
 10.00 77 Sunset Strip
 10.30 Dangerous Robin

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monteverde
 15.30 Perfecta ama de casa
 16.00 Mejias y sus muchachos
 17.00 Huckleberry Hound
 17.30 Trama '30
 18.00 El rifle
 18.30 Club musical
 19.00 Las 3 hermanas
 20.00 Fiesta
 21.00 Creole
 21.15 Julian Pacheco
 21.45 Dr. Kildare
 22.45 Johnny Midnight
 23.15 Noticias

RADIO VICTORIA

A.M.
 6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 El Camino De Victoria
 8.00 Gymnasia
 8.15 Joyas Del Hogar
 8.30 Ultimas Noticias

8.45 Musica Di Banda
 9.00 Noticias Espanol
 9.15 La Voz Del Evangelio

9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Th oughts On Home
 11.00 Chapel Of The Air

11.15 El Pan De Vida
 12.00 Ultimas Noticias
 12.15 Musica Sagrada

12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines

3.20 Ensuenos Musicales
 3.45 Musica Di Banda
 4.00 La Voz De America
 4.15 Ultimas Noticias
 4.30 Muchanan Pa Cristo
 4.45 Noticias Espanol
 5.00 Academia Del Aire
 5.15 Palabranan Di Bida
 5.30 Children's Corner
 6.00 World News

6.15 Bible Time
 6.45 Listening Post
 7.00 All Aboard For Adventure
 7.15 Off The Record
 7.30 Back To The Bible
 8.00 Musical Gems
 8.30 Nederlands. Nieuws
 8.45 Christelijke Liederen
 9.00 Klassieke Muziek
 10.00 Sign Off

RADIO KELKBOOM

7.00 Opening
 7.02 Bon dia cu Alegria (Instrumental)
 7.30 Noticia Internacional
 8.00 Seleccion Musical cu disconan Latino Americano.
 8.30 Cumpleanos feliz
 9.00 Noticia Social
 9.15 Peticion Musical pa Telefoon
 10.00 Noticia Internacional
 10.05 Musica Varia
 10.30 Programma di Habibe Jr.
 11.00 Noticia Internacional

11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Amstel)
 12.30 Musica Norte Americana.
 12.45 Noticia Local (Viana)
 01.00 Variacion di Ritmo Latino
 01.30 Mei ora cu Boleros
 02.00 Novela Repeticion
 02.00 Peticiones
 03.15 Ritmos di Caribe
 03.45 La Macorisana & Internacional Supermarket
 04.00 Musica cu sabor Azteca
 04.30 Noticia Local (Helnekens)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)
 06.15 Musica Varia
 06.30 Musica para la cena
 07.00 Noticia Internacional Na pap.
 07.15 Musica Hulandez
 07.45 Musica Norte Americano (instr.)
 08.15 Novela (Colgate)
 08.45 Musica Varia
 09.45 Verzoekplaten Programma.
 09.45 Musica Varia
 10.00 Sluiting.

Sur Africa no ta cambia politica

CIUDAD DEL CABO, 9 Juni. - Dr. Hilgrad Muller e minister Sur Africano di exterior, a bisa den conseho popular, cu Sur Africa lo no cambia su politica, aungue e prestion di exterior aumenta. Ningun pais autonomo por admiti pa otro paisnan prescribi con e mester worde goberna, asina minister Muller a bisa. E minister tadi opinion, cu algun pais na Africa tin miedo, cu Sur Africa lo logra solucion na su problemanan y pa evita esey e campanja contra Sur Africa a worde aumenta. Tog tabata tin indicacionnan cu e stranheronan a cuminsa realisa, cu e gobernanacion di gobierno Sur Africa ta un progreso di libertacion di nacionnan, un progreso na cual cada grupo di poblacion lo haya loque e merece. Cu esey e minister no kier bisa cu mundu pafor di Sur Africa ta apoya e politica di apartheid cu Sur

Africa ta hiba, pero tog por mira un actitud cu ta cambia poco contra e problemanan di Sur Africa.

CUMPLEANJOS

Dia 8 di juni a cumpli 24 anja Senorita Aminta Maria Velasquez, felicitacion ta bin di su mama Johana, rumanan, tantanan, omonan, primonan y primanan, Swa, sobrinonan Karel, Ronnie, Winnie, y Alvaro, sobrina Lucerita, comer y comparnan, 4 ihanan Filomena, Maria Ruiz, Arcadio Rafael Kock, Erwin Bermudez y Theofilo Giel, amiganan y demas familia.

Guerilleronan Indones ta ataca na Maleisia

KOEALA LOEMPOER, 9 Juni. - Premier Abdoel Rachman di Maleisia, a declara awe cu un gran cantidad di guerilleronan Indones na e parti di Borneo cu ta pertenece na Maleisia, a ataca trupanan di seguridad y a mata un hombre. Manera ta conoci ta e intencion pa otro siman un conferencia cumbre di Maleisia, Indones y Filipinas, cuminsa na Tokio. Ya president Soekarno ta den e capital Hapones. Anteriormente a worde anuncia den un comunicado di e ministerio Filipino di exterior, cu president Soekarno durante su deliberacionnan na Manila cu gobierno Filipino a duna e seguridad cu retiro di e guerilleronan for di e frontera di e parti di Borneo cu ta pertenece na Maleisia lo cuminsa dia dies di e luna aki en conexion cu e conferencia cumbre tocante Maleisia.

Mas di 170 mil Cubano na Merca

WASHINGTON, 9 Juni. - Segun un participacion di gobierno Mericano na parlamento, nan a registra mas di 170.000 refugiado Cubano na Miami. Di eseynan mas di 75.000 a establece den otro partinan di Merca. 41 Cubano, cualnan presencia no tabata worde considera na interes di Merca, a worde expulsado.



TUR COS MESTER BAI

kapmento di prijs ta sigui BARBARAMENTE !!

TUR DIA MERCANCIA NOBO TA WORDE TRECACERCA. TAMBE PA DIA DI "TATA" BON OPORTUNIDAD PA HANJA ARTICULONAN DI CALIDAD NA PRIJSNAN FAVORABLE. BISTIR PA DAMAS, PA MUCHA MUHER, PA MUCHA HOMBER Y TAMBE PA BABY.

MANSUR TRADING

(bao direccion NOBO)

Tortura di un amor

NOVELA

No. 22.

"Bay cu un martleuw di palo", Stefana a bisa hariendo, "pasobra Andrea no ta hunga comedia asina lihé." "E cos aki ta pone hende bira loco". Decidido Nico a cuminsa subi podio di banda, sin worry cu miradanan asombrá die presentenan. Ya el a jega dilanti Andrea. "Andrea, mi ta suplicabo, no tocal! Haci mescos cu bo ta bay cay flauw. Bo ta bay haci bo mes riculo. Nan ta custumbrá akinan cu hendenan di primera clase, y Profesor Brantel ta un hende fastioso, cualquier cos e ta corre cu bo, di e podium!" Asombra Andrea ta keda miré y e a ripara preocupacion den Nico su wowonan. Wel, kizas Nico no ta haya cutapas, pa é, como Condesa Elmer keda ridiculo. Frankilizando Andrea ta sonrei cu né: "No preocupabo, tur cos lo bay bon! Bo mester baha awor. Ta kiko e sa di dje? Nada! Pero Andrea su tocamento ta pone Conde Nico sinti mas cu solamente amigo di musica. Cordialidad y orgullo, pureza y fineza,

Andrea ta poseé. Y e, bobo, aduda di dje. Porfin e aplauso continuo ta hacié foy su pensamentonan. Cu un brillo riba su cara e profesor ta bulg y ta muestra riba su acompañante. Andrea su cara ta paldio, pero su wowonan ta brilla. "Oef, mi tin calor!" Alivia Stefana ta habri su waaler y cuminza waya. "Pero abo pelli-roja, bo no por a avisa nos na tempo, cu Andrea tabata un pianista asina popular? E ora ey nos no tabata tin mester di sinta asina nervioso!" Toch tabata pa un obra caritativa, tío!, Stefana a bisa hariendo, mientras el a keda mirá e Conde cu bufon. "Damas y caballeros", dokter Hauser a cana bin serca nan. "permitimi inbostonan pa un koppel mokka na Tanneck?" "Bon idea", Thomas a bisa, mientras el a drey mira Hulia. Pero e Condesa orgullo ta sinti cu e no por miré mas den su cara. E ta hacié sinti cu e ta responsabel pa e plan cu a fracasá. E ta haci mescos cu e no ta

ripara cu Thomas ta miré, y na e mes un momento ey e auto nobo di Arthur von Grooten ta pasa voorbij. "Carambacion", Stefana a bisa, "en comparacion cu e auto Mericano ey, di bo ta un auto di bleki, tende!" "Bopor cambia cu Petra", Thomas a tenté un poco. "Al contrario", Stefana a contesta hariendo, "mi por pustabo cu Petra ta prefera di bay cu nos, y pesey mi ta bay buské mesora." Tantom Thomas a cana bay serca Andrea; Bo a duna nos un bunita emocion, el a bisa sonriendo. "Cu cua sorpresa mas, nos mester tenecuenta? Mira bo pover esposo, ne cuenta? Mira bo pover esposo ainda e ta sodando!" "Ta duel mi!" Andrea a bisa pocopoco, y a drey mira e Conde un poco insegur. Pero esaki ta bira su cara y ta habri e porta: "Por favor!" Andrea a keda mire asombra. "Semper Hulia no ta sinta dilanti bandi di bo, e kier a contesta. Pero ora cu e drey mira atras, e por a ripara cu Condesa Hulia a bay den e auto nobo di Arthur von Grooten." Hasta dokter Hauser a constata esaki lastimamente. Y tanto cu el a spera cu Hulia lo bay cu né, ya cu tur cos a caba asina bon. "Wel, wel, esey si a lagabo plantá", Stefana a bisa ora cu el a pasa bandi e dokter. Cu un cara tristo e dokter ta admiti. Ya e sa caba, cu e no por scapadi e wo-

wonan skerpi di peliroja. "Y mare mi sapakiko?" e dokter a bisa pocopoco. Stefana a keda mire asombra. "Di berdad, cu bo nosa?" "No, abo sa anto?" Stefana a cuminza hari "Esey ta haci bo simpatico, dokter!" Despues di bisa esaki, Stefana ta lagué para asombra. "Bin Petra", el a ranka su amiga bay cuné. "Ultimamente bo ta haci asina stranjo, y ta pesey henter anochi nos lobay pone beslag riba bo." "De ves en cuando mi subrina tin razon, baronesa. Bo mester bin mas biaha serca nos." Thomas Brit tabata tin deseo pa Petrabin atrobe serca nan. E ta hanja cu su cara abirapalido y e ta un poco delegá. "Bo no ta sinti bo bon?" "Si!", Petra a bisa y a sonrei. "Solamente mi mester a tene warda algun anochi tras di otro. Ya ta varios siman caba cu mama ta haya atakanan di curazon atrobe. Si no tapasobra é mes a forzami pa bay, lo mi no a bin na e concierto." "Si, mi ta compronde. Kier meen, cu bota masha hopi preocupa pabo mama?" "Paga tino, tío, si bo no por laga e carozá aki corre un tikl mas duro, e auto Mericano ey ta kita nos for di caminda." Stefana a bisa mientras el a muestra riba e auto di Von Grooten cu ta asercando. "Ta con bo kier pa mi corre mas duro, si dokter Hauser ta fija e velocidad", Thomas a contesta. "Ay sí, esey ta kleta di dje padilanti", Stefana

a bisa hariendo. "E tabata e unico cu tabata asina bobo di no ripara nada di Hulia su rabimento." Bo por wel a bisami algo, Thomas a bisa. "Mi tabata mes nervioso cu e Conde." "Pover Andy", Petra a bisa keto. "Awor sí e Conde lo bay reproché." Pero Petra ta equivoca. "Pordonami, si mi a ponebo un poco nervioso," Andrea abisa pocopoco. "Mi no apensa, cu mi, como Condesa Elmer tabata tin otro deber." "Mi no apensa riba esey e Conde a contesta carinjosos. Tur loke mi tabata sa, ta cu Profesor Brantel ta un hombre cu ta rabia masha lihé y cu a jega di corre cu un pianista for di e podium. Tabata pa mi un pensamento terrible pa mirabo baha jorando y cuberguenza di e podium". Andrea a sonrei. "E ora ey e concierto lo cambia". Pero cu un cara serio Andrea a agrego: "Dia cu mi tabata na kost-school, mi a jega di actua varios biaha como pianista. Kier meen cu no ta di promebiaha." Di repente e Conde a coy su man ficitene, y a trece nan cu carinjo na sulipnan. "Masha danki, pasobra bo ataca asina bon awe nochí, Andy! Ta asina bo amiganan ta jamabo, nota berdad?" "Asina e hendenan cu ta stimami, ta jamami".

E ta sigui....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en poivo

JAN BODEGOM & CO (ARUBA) N.V.

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.





BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, soltdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

presenta pa cortesia di

JOHN MANSUR AUTOPARTS

na unda bo ta hanja piezanan di auto, garantisá pa nan calidad.

L.G. Smith Blvd. (P'ariba di La Esperanza) tel. 3094.



Horoscopo personal

ARIES- 21 di maart - 20 di april Bo por anticipa reconocimentunan pa bo anterior esfuersonan. Acepta e honornan humilde y modestamente.

TAURO - 21 di april - 21 di mei Loke ta parse un desgracia e dia aki mañan bien e por bira un bendicion disfrazada.

GEMINIS-22 di mei - 21 di juni - Acelera negoshinan, pero prospone e accion encunto cualquier cos cu por conduci nan na un ampliacion inmediate.

CANCER-22 di juni - 23 di juli -Relacionnan personal lo mejora en proporcion directo na e grado di tacto cu bo ta emplea den bo conversacionnan e dia aki.

LEO-24 di juli- 23 di augustus-Esaki ta un dia cu por parece miscelanea di bon y malu. No laganan gañabo.

VIRGO-24 di augustus-23 di september - Amigonan nobo quizas lo estimula bo, pero e amigonan biew ta esnan di mas confianza. Depende di esaknan pues bo lealtad a worde comproba.

LIBRA-24 si september - 23 di oktober - Cuminsamentunan di ayera quizas lo worde concluf cu exito e dia aki. Sin embargo bo ta worde aconseha pa bo ahorrara.

ESCORPION - 24 di oktober - 22 di november - No fia ningun hende plaka, ni tampoco fia serca hende di e manera aki lobo evita trobbel.

SAGITARIO - 23 di november - 22 di december - Esaki ta e mihor ora pa somete un idea nobo na e personanan apropra pa obte- ne e mihor resultadonan.

CAPRICORNIO - 23 di december - 20 di januari - Bo santo y seña di e dia ki mester bira e comedimiento . Accion conservador lo conducibo pa exito e dia aki.

ACUARIO - 21 di januari - 19 di februari - Esaki ta un dia den cual un gran responsabilidad lo worde presenta na bo. Percura bo aceptetele.

PISCIS - 20 di februari - 20 di maart - Flavez lo ta prudente si bo consolida bo ganancianan hasi recientemente. Lo ta bon si bo no mishi cu e utilidadnan cu bo tin varios tempo.

Huelga di haf na Italia

ROMA, 5 juni. - No ta ser traha casi mes mas den hafnan Italiano en relacion cu un huelga di obreronan di haf cu a cuminza ayera y lo dura te otro mayan. Na Genova ta spera 55 bapor, cu mester wordu carga y descarga.

Portugal ta empata contra Inglatera

SAO PAULO, 8 juni - Den e torneo footballistico di 4 pais, cu ta ser tene na Sao Paulo, Portugal ayera a tabia uno cu Inglatera. E centro delantero Portugues O. Torres a worde saca foi veld despues di un incidente. 20 Minuut prome cu e fin, ne score di uno uno tabatin e incidente ora cu e refree a desaproba un goal di Portugal pa motibu di buitenspel offside. E 20.000 fanaticonan cu tabata anima durante henter e weg e Portugues nan, a fluit e refree Brasileiro y a cuminza sende vuuwerk.